

Los ntawm Thawj Tswj Hwm  
Henry B. Eyring

Tus Pab Cuam thib Ib hauv  
Thawj Pawg Thawj Tswj Hwm



# Kev Cog Lus tias tej lub Siab Yuav Tig

**K**uv niam, Mildred Bennion Eyring, tau loj hlob nyob hauv lub zos Granger, Utah, Teb Chaws Amelikas. Nws ib tug nus, Roy, tau ua hauj lwm li nws tsev neeg thiab tu cov yaj. Thaum nws yog ib tug tub hluas nws siv ntau lub lim tiam nyob deb ntawm tsev. Sij hawm zuj zus mus es nws tsis tshua xav koom lub Koom Txoos. Ces nws tsiv tsev mus rau lub xeev Idaho, Teb Chaws Amelikas, yuav poj niam, thiab muaj peb tug me nyuam. Nws tuag thaum nws muaj 34 xyooos thaum nws tus poj niam muaj 28 xyoo thiab nkawd cov me nyuam tseem me me.

Txawm Roy tsev neeg nyob hauv Idaho thiab kuv niam twb nyaib tsev mus deb li 2,500 mais (4,025 km) rau lub xeev New Jersey, Teb Chaws Amelikas, nws pheej sau ntawv rau lawv qhia tias nws hlub thiab txhawb nqa lawv. Kuv dab laug tsev neeg hu kuv niam ua “Aunt Mid.”

Ntau xyoo dhau los mus, ces muaj ib hnuv kuv ib tug kwv tij tau hu tuaj rau kuv. Nws qhia kuv tias Roy tus poj ntsuam tau tso lub ntiaj teb no tseg. Kuv tus kwv tij hais tias, “Aunt Mid yuav xav kom koj paub.” Aunt Mid twb tau tso lub ntiaj teb no tseg, tiam sis tsev neeg no tseem paub txog nws txoj kev hlub thiab hu tuaj rau kuv.

Ua rau kuv xav txog qhov uas kuv niam tau pab nws tsev neeg zoo ib yam li cov Neeg Nifais cov yaj saub tau pab lawv tsev neeg thaum lawv muab siab npaub lawv cov kwv tij uas lawv xav coj los ntseeg Yexus Khetos txoj moo zoo. Nifais sau ib co ntawv ceev xwm txheej uas nws vam tias yuav tshoov nws cov tij laug cov xeeb ntxwv tej siab

kom lawv rov qab los ntseeg li Lihais, lawv tus yawg koob. Mauxiyas cov tub tau muaj kev hlub zoo ib yam li ntawd thaum lawv qhia txoj moo zoo rau Lihais cov xeeb ntxwv.

Tus Tswv tau npaj kev rau peb muaj kev hlub nyob hauv peb tsev neeg uas nyob tau mus ib txhis li. Cov tub hluas ntxhais hluas nyob hauv lub Koom Txoos niaj hnuv no tab tom muab lawv tej siab tig mus rau lawv tsev neeg. Lawv nrhiav tej lub npe ntawm tsev neeg uas tsis tau muaj cib fim txais cov kab ke cawm seej ntawm lub neej no. Lawv nqa cov npe ntawd mus rau lub tuam tsev. Thaum twg lawv ua kev cai raus dej, lawv muaj cib fim txais kev hlub ntawm tus Tswv thiab ntawm cov poj koob yawm txwv uas lawv sawv cev ua kab ke rau lawv.

Kuv tseem nco txog txoj kev hlub ntawm kuv tus kwv tij lub suab uas hu tuaj thiab hais tias, “Peb niam twb tso lub ntiaj teb no tseg, thiab Aunt Mid yuav xav kom koj paub.”

Nej cov uas ua kab ke rau cov poj koob yawm txwv muab siab npaub rau lawv, ib yam li Mauxiyas cov tub thiab tus yaj saub Nifais. Ib yam li lawv, nej yuav muaj kev xyiv fab rau cov uas txais qhov uas nej muab rau lawv. Nej yuav zoo siab ib yam li Amoos, tus uas hais txog nws txoj hauj lwm ua tub txib nyob hauv nws poj koob yawm txwv cov xeeb ntxwv:

“Yog li ntawd, peb cia li zoo siab, muaj tseeb tiag, peb yuav xyiv fab nyob hauv tus Tswv; muaj tseeb tiag, peb yuav zoo siab, vim peb txoj kev xyiv fab twb muaj puv npo lawm; muaj tseeb tiag, peb yuav qhuas peb tus Vajtswv mus

ib txhis. Saib seb leej twg yuav muaj peev xwm zoo siab ntau dhau lawm nyob hauv tus Tswv? Muaj tseeb tiag, leej twg yuav muaj cuab kav hais ntau dhau lawm txog nws lub hwj chim loj, thiab txog nws txoj kev hlub tshua, thiab txog nws txoj kev ua siab ntev nyiaj rau noob neej? Saib seb, kuv hais rau nej tias, kuv twb tsis muaj peev xwm hais feem me tshaj plaws uas kuv xav tau” (Amas 26:16).

Kuv ua tim khawv tias txoj kev hlub uas nej muaj rau nej tsev neeg—txawm lawv nyob qhov twg los—yog qhov uas muaj raws li kev cog lus tias Eliyas yuav los. Nws twb los lawm. Cov me nyuam tej siab tab tom tig los rau lawv txiv, thiab cov txiv tej siab tab tom tig los rau lawv cov me nyuam (saib Malakis 4:5–6; Yauxej Xamiv—Keeb Kwm 1:38–39). Thaum nej xav nrhiav tej lub npe ntawm nej cov poj koob yawm txwv thiab nqa tej lub npe ntawd rau lub tuam tsev, ces tab tom muaj raws li qhov uas tau qhia yuav muaj los yav tom ntej.

Yog ib qho koob hmoov ua neej nyob hauv ib lub caij nyoog thaum muaj raws li kev cog lus tias tej siab yuav tig los. Mildred Bennion Eyring tau muaj tej kev xav li ntawd nyob hauv nws lub siab. Nws hlub nws tus nus tsev neeg, thiab nws ncav tes pab lawv. Lawv tej siab tig mus rau nws nrog kev hlub rau Aunt Mid vim lawv paub tias nws hlub lawv.

---

## QHIA LOS NTAWM TSAB XOY NO

Tej zaum koj yuav xav nyeem txog tej kev qhia tej yuav muaj los yav tom ntej txog Eliyas qhov txiaj ntsim nrog cov uas koj mus xyuas (saib Malakis 4:5–6; Joseph Smith—History 1:38–39). Siab tham txog tej yam lawv ua tau kom ua tej hauj lwm nrhiav tsev neeg zaj keeb kwm, tsis hais kev siv tej cuab yeej xws li indexing, thajj duab, thiab sau ntawv blog. Yog tias cov uas koj mus xyuas tsis paub txog tej no FamilySearch.org, cia li siv sij hawm qhia lawv.

## TUB HLUAS NTXHAIS HLUAS

### Kawm Paub txog Kuv Pog

Los ntawm Jewelene Carter

**R**au kuv ib qho project hauv lub Koom Haum Ntxhais Hluas, kuv yuav pab kuv pog nrhiav nws poj koob yawm txwv los ntawm qhov uas kuv saib cov microfilm

nyob ntawm qhov chaw nrhiav tsev neeg zaj keeb kwm nyob hauv Mesa, Arizona, Teb Chaws Amelikas. Thaum wb zaum ua ke thiab nrhiav peb poj koob yawm txwv, ua rau kuv xav hais tias: “Kuv puas paub txog kuv pog uas zaum ntawm kuv ib sab no?”

Wb tau nrhiav ntau tus poj koob yawm txwv, tau npaj lawv tej xov xwm, thiab mus rau lub Tuam Tsev Mesa Arizona ua kev cai raus dej thiab kev pom zoo. Tsis ntev tom qab ntawd, kuv pog muab ib phau ntawv txog nws tsev neeg zaj keeb kwm rau kuv.

Vim nws muaj mob ntawm tej qij pob txha (rheumatoid arthritis), ua rau kuv pog mob heev thaum nws ntaus ntawv. Kuv nyiam ntaus ntawv rau lub computer kom pab nws. Ua ke, wb sau tej zaj dab neeg los ntawm nws lub neej kom pab peb tsev neeg sab ntsuj plig. Kuv nyiam ua neej nyob nrog nws thiab kawm ntau txog lub Koom Txoos tej zaj keeb kawm thaum wb ua hauj lwm ua ke ua li no.

*Tus sau zaj no nyob hauv Virginia, USA.*

## COV ME NYUAM

### Kev Sib Hlub Hauv Tsev

*Peb Leej Txiv zoo siab saum ntuj*

*Yog sib hlub hauv tsev;*

*Lub ntiaj teb puv nkaus kev hlub*

*Yog sib hlub hauv tsev.*

*(“Love at Home,” Hymns, no. 294)*

Leej Txiv Saum Ntuj Ceeb Tsheej xav kom peb hlub peb tsev neeg peb thiaj yuav zoo siab. Thaum peb ua hauj lwm pab peb tsev neeg, ces ua rau peb haj yam hlub Leej Txiv Saum Ntuj Ceeb Tsheej thiab peb tsev neeg.

Cia li kos duab txog tej lub plawv rau ntawm ib daim ntawv thiab muab txiav tawm. Sau ntawv zoo siab los yog kos duab rau tej lub plawv ntawd thiab ua ntsiag to xa tej ntawd mus rau cov neeg hauv koj tsev neeg. Saib lawv yuav zoo siab npaum li cas!

© 2014 los ntawm Intellectual Reserve, Inc. Ceev txhua txoj cai. Luam tawm hauv Teb Chaws Amelikas. Pub txhais ua lus Akiv : 6/14. Pub txhais ua lus Hmoob: 6/14. Kev txhais lus *First Presidency Message, July 2014*. Hmong. 10867 295



# Yexus Khetos lub Luag Hauj Lwm Los Saum Ntuj Los: Tus uas Tuaj Peb Tog

Kev Ntseeg, Tsev Neeg, Kev Pab

*Ua tib zoo thov Vajtswv kawm tej yam no thiab nug seb koj yuav tsum qhia dab tsi. Qhov uas koj to taub tus Cawm Seej lub neej thiab lub luag hauj lwm yuav ua rau koj txoj kev ntseeg Nus loj tuaj thiab foom koob hmoov li cas rau cov uas koj saib xyuas tom tsev? Kom tau ntaub ntauv xov xwm ntxiv, cia li txuas rau reliefSociety.lds.org.*

*Nov yog ib zaj los ntawm tej zaj cov Mus Saib Xyuas Tom Tsev tsab Xov uas hais txog tus Cawm Seej lub luag hauj lwm.*

**Y**exus Khetos yog peb tus Advocate los yog tus Tuaj Peb Tog nrog Leej Txiv. Lo lus *advocate* yog lus Latees uas txhais hais tias “ib tug uas thov pab lwm tus.<sup>1</sup> Tus Cawm Seej thov kom pab peb, nrog kev to taub, kev txim lij, thiab kev siab hlub. Qhov uas peb paub li no ua rau peb muaj kev hlub thiab kev ris txiaj vim muaj Nws txoj Kev Theej Txhoy.

“Mloog [Yexus Khetos] tus uas yog tus daws nej zaj hais thov Leej Txiv, tus tab tom thov nws txog nej zaj—

“Hais tias: Txiv, thov saib tej kev txom nyem thiab kev tuag ntawm tus tsis tau ua txhaum, tus uas koj tau txaus siab rau; thov saib cov ntshav ntawm koj Leej Tub uas tau nrog, cov ntshav ntawm tus uas koj tau muab txi kom koj tus kheej yuav tau yeeb koob.

“Yog li ntawd, Leej Txiv, thov tseg kuv cov kwv tij no uas ntseeg kuv lub npe, xwv kom lawv yuav los cuag kuv thiab tau txoj sia kav ib txhis” (saib Q&K 45:3–5).

Txwj Laug D. Todd Christofferson ntawm Pawg Kaum Ob tug Thwj Tim hais txog qhov uas Khetos yog tus uas Tuaj Peb Tog hais tias: “Yog ib qho tseem ceeb heev uas txhua

lub sij hawm, txawm kuv raug xwm txheej dab tsi los, kuv muaj cib fim thov Vajtswv mus cuag Nws lub rooj zaum ntawm kev tshav ntuj, kuv Leej Txiv Saum Ntuj Ceeb Tsheej yuav hnov kuv tej lus thov, tus uas Tuaj Kuv Tog, tus uas tsis tau ua txhaum, Nws cov ntshav tau nrog kom theej kuv lub txhoy.”<sup>2</sup>

## Los ntawm cov Vaj Lug Kub

Mauxiyas 15:8–9; Maulaunais 7:28; Lus Qhuab Qhia thiab Kev Khi Lus 29:5; 110:4

## Los ntawm Peb zaj Keeb Kwm

Nyob hauv tus Tswv lub Koom Txoos zaj keeb kwm, cov thwj tim ntawm Yexus Khetos uas yog poj niam tau ua raws li Nws tus yam ntxwv. Exethaws yog ib tug uas tuaj lwm tus tog uas rau siab thiab ua siab tuab. Nws txiv tus tij laug tus ntxhais Maudekhais xa ib daim ntawv los ntawm tus vaj ntxwv uas qhia tias yuav tsum muab cov Neeg Yudais puas tsuaj mus, thiab Maudekhais hais kom “Exethaws kav tsij mus cuag vaj ntxwv thiab thov vaj ntxwv hlub niam vaj ntxwv haiv neeg.” Nws hais tias: “Tej zaum qhov uas koj tau los ua niam vaj ntxwv rau tej lub sij hawm zoo li no?” (Exethaws 4:8, 14.)

Txawm ntshai nws yuav raug xwm txheej vim nws tuaj nws cov neeg tog, Exethaws pom zoo: “Kuv yuav mus cuag vaj ntxwv thiab yog hais tias, kuv ua txhaum kev cai, kuv tuag los xij peem, kuv yeej zoo siab tuag” (Exethaws 4:16).

Ces Exethaws txo hwj chim hais lus rau tus vaj ntxwv thiab “qhau cev hlo ntawm vaj ntxwv ko taw, thiab thov ua kua muag poob . . . kom muab tsab ntawv uas hais kom muab cov neeg Yudais. . . tua pov tseg huv tib si ntawd rhuav pov tseg.” Nws hais tias, “Kuv yuav ua li cas nyiaj taus saib kuv haiv neeg raug kev puas tsuaj?” (see Exethaws 8:3, 5–6). Ua rau tus vaj ntxwv lub siab mos muag, thiab nws cia kom muaj raws li Exethaws thov.<sup>3</sup>

## LUS CIM

1. Saib Russell M. Nelson, “Jesus Christ—Our Master and More” (Brigham Young University kev hawm Vajtswv, Ob Hlis Ntuj 2, 1992), 4; speeches.byu.edu.
2. D. Todd Christofferson, “I Know in Whom I Have Trusted,” *Ensign*, Tsib Hlis Ntuj 1993, 83.
3. Kuj saib *Daughters in My Kingdom: The History and Work of Relief Society* (2011), 180.

## Xav Txog Qhov No

Qhov uas Yexus Khetos tuaj peb tog tshoov peb lub siab li cas kom peb muaj siab hlub thiab zam txim rau lwm tus?